

Magistraglia

Ils scholars e las scholaras staun per nus i'l center – cun tuot que ch'els resp. ch'ellas sun e paun dvanter. Nossas personas d'instrucziun s'ingaschan mincha di cun savida professiunela, pazienzcha e sensibilited per la promoziun individuela da mincha iffaunt.

Nus mettains pais süin üna relaziun professiunela transparenta, responsabla ed amiaivla – saja que in nos team, culs iffaunts scu eir culs genituors.

In nossa scoula bilingua instrueschan 33 personas d'instrucziun cun grand ingaschamaint in scoulina, in scoula primara ed in s-chelin ot. L'adöver consciaint da nossas duos linguas d'instrucziun – rumauntsch e tudas-ch – s'inclegia da se e vain vivida in möd natürel ed activ düraunt il minchadi scolastic.

Nos team as cumpuona da personas cumpetentas, cun experienza pedagogica e derivanza multifara. Quista diversited vain integreda in noss'instrucziun quotidiana ed ans permetta da sustgnair las scholaras ed ils scholars tenor lur bsögn e da creer ün ambiaint d'imprender stimulant e motivant.

Nus stains in stretta collavuraziun ed ans ingaschains per üna scoula chi's sviluppa permanentamaing.

Ün accent speciel mettains nus sül adöver e l'integraziun da tecnologias modernas i'l context digitel: ils mezs electronics vegnan integros regulermaing ill'instrucziun e nus ans sviluppains regulermaing i'l sector da la digitalisaziun.